

相是名一合相須菩提一合相者則是不可  
說但凡夫之人貪著其事須菩提若人言佛  
說我見人見衆生見壽者見須菩提於意云  
何是人解我所說義不不也世尊是人不解  
如來所說義何以故世尊說我見人見衆生  
見壽者見即非我見人見衆生見壽者見是  
名我見人見衆生見壽者見須菩提發阿耨  
多羅三藐三菩提心者於一切法應如是知  
如是見如是信解不生法相須菩提所言法  
相者如來說即非法相是名法相須菩提若  
有人以滿無量阿僧祇世界七寶持用布施  
若有善男子善女人發菩薩心者持於此經  
乃至四句偈等受持讀誦為人演說其福勝  
彼云何為人演說不取於相如如不動何以  
故  
一切有爲法 如夢幻泡影 如露亦如電  
應作如是觀  
佛說是經已長老須菩提及諸比丘比丘尼

優婆塞優婆夷一切世間天人阿修羅聞佛  
所說皆大歡喜信受奉行

十末

金剛般若波羅蜜經

翔三

本寺比丘壽於年捨留歲花利判大藏金剛經一卷流通答佛深恩

金剛般若波羅蜜經

翔四

元魏三歲留支譯

序品第一

如是我聞一時婆伽婆在舍婆提城祇樹給  
孤獨園與大比丘衆千二百五十人俱爾時  
世尊食時著衣持鉢入舍婆提大城乞食於  
其城中次第乞食已還至本處飯食訖收衣  
鉢洗足已如常敷座結加趺坐端身而住正  
念不動  
護念付囑分第二  
爾時諸比丘來詣佛所到已頂禮佛足右遶  
三匝退坐一匝爾時慧命須菩提在大衆中

即從座起偏袒右肩右膝著地向佛合掌恭敬而立白佛言希有世尊如來應供正遍知善護念諸菩薩善付囑諸菩薩

任分第三

世尊云何菩薩大乘中發阿耨多羅三藐三菩提心應云何住云何修行云何降伏其心

爾時佛告須菩提善哉善哉須菩提如汝所說如來善護念諸菩薩善付囑諸菩薩汝今諦聽當為汝說如菩薩大乘中發阿耨多羅三藐三菩提心應如是住如是修行如是降伏其心須菩提白佛言世尊如是願樂欲聞佛告須菩提諸菩薩生如是心所有一切衆

生衆生所攝若知生若胎生若濕生若化生若有色若無色若有想若無想若非有想非無想所有衆生界衆生所攝我皆令入無餘涅槃而滅度之如是滅度無量無邊衆生實無衆生得滅度者何以故須菩提若菩薩有衆生相即非菩薩何以故非須菩提若菩薩

起衆生相人相壽者相則不名菩薩

如實修行分第四

復故須菩提菩薩不住於事行於布施無所住行於布施不住色布施不住聲香味觸法布施須菩提菩薩應如是布施不住於相想何以故若菩薩不住相布施其福德聚不可

思量須菩提於汝意云何東方虛空可思量不須菩提言不也世尊佛言如是須菩提南西北方四維上下虛空可思量不須菩提言不也世尊佛言如是如是須菩提菩薩無住相布施福德聚亦復如是不可思量佛復告須菩提菩薩但應如是行於布施

今闍梨

二

半

如來非有為分第五

須菩提於意云何可以相成就見如來不須菩提言不也世尊不可以相成就得見如來何以故如來所說相即非相佛告須菩提凡所有相皆是妄語若見諸相非相則非妄語如是諸相非相則見如來

我空法分第六

須菩提白佛言世尊頗有眾生於未來世末  
世得聞如是修多羅章句生實相不佛告須  
菩提莫作是說頗有眾生於未來世末世得  
聞如是修多羅章句生實相不佛復告須菩  
提有未來世末世有菩薩摩訶薩法欲滅時

有持戒修福德智慧者於此修多羅章句能  
生信心以此為實佛復告須菩提當知彼菩  
薩摩訶薩非於一佛二佛三四五佛所修行  
供養非於一佛二佛三四五佛所而種善根  
佛復告須菩提已於無量百千萬諸佛所修  
行供養無量百千萬諸佛所種諸善根聞是

修多羅乃至一念能生淨信須菩提如來悉  
知是諸眾生如來悉見是諸眾生須菩提是  
諸菩薩生如是無量福德聚取如是無量福  
德何以故須菩提是諸菩薩無復我相眾生  
相人相壽者相須菩提是諸菩薩無法相亦  
非無法相無相亦非無相何以故須菩提是

今阿含

三

手

諸菩薩若取法相則為著我人眾生壽者須  
菩提若是菩薩有法相即著我相人相眾生  
相壽者相何以故須菩提不應取法非不取  
法以是義故如來常說筏喻法門是法應捨  
非捨法故復次佛告慧命須菩提須菩提於  
意云何如來得阿耨多羅三藐三菩提耶如

來有所說法耶須菩提言如我解佛所說義  
無有定法如來得阿耨多羅三藐三菩提亦  
無有定法如來可說何以故如來所說法皆  
不可取不可說非法非非法何以故一切聖  
人皆以無為法得名  
具足功德校量分第七

須菩提於意云何若滿三千大千世界七寶  
以用布施須菩提於意云何是善男子善女  
人所得福德寧為多不須菩提言甚多婆伽  
婆甚多修伽陀彼善男子善女人得福甚多  
何以故世尊是福德聚即非福德聚是故如  
來說福德聚福德聚佛言須菩提若善男子

善女人以滿三千大千世界七寶持用布施若復於此經中受持乃至四句偈等爲他人說其福勝彼無量不可數何以故須菩提一切諸佛阿耨多羅三藐三菩提法皆從此經出一切諸佛如來皆從此經生須菩提所謂佛法佛法者即非佛法須菩提於意云何須

陀洹能作是念我得須陀洹果不須菩提言不也世尊何以故實無有法名須陀洹不入色聲香味觸法故名須陀洹佛言須菩提於意云何斯陀含能作是念我得斯陀含果不須菩提言不也世尊何以故實無有法名斯陀含是名斯陀含須菩提於意云何阿那含

能作是念我得阿那含果不須菩提言不也世尊何以故實無有法名阿那含是名阿那含須菩提於意云何阿羅漢能作是念我得阿羅漢果不須菩提言不也世尊何以故實無有法名阿羅漢世尊若阿羅漢作是念我得阿羅漢即爲著我人衆生壽者世尊佛說

辨

今問

四

乎

我得無諍三昧最爲第一世尊說我是離欲阿羅漢世尊我不作是念我是離欲阿羅漢世尊我若作是念我得阿羅漢世尊則不記我無諍行第一以須菩提實無所行而名須菩提無諍無諍行佛告須菩提於意云何如來昔在然燈佛所得阿耨多羅三藐三菩提

法不須菩提言不也世尊如來在然燈佛所於法實無所得阿耨多羅三藐三菩提佛告須菩提若菩薩作是言我莊嚴佛國土彼菩薩不實語何以故須菩提如來所說莊嚴佛土者則非莊嚴是名莊嚴佛土是故須菩提諸菩薩摩訶薩應如是生清淨心而無所住不住色生心不住聲香味觸法生心應無所住而生其心須菩提譬如有人身如須彌山王須菩提於意云何是身爲大不須菩提言甚大世尊何以故佛說非身是名大身彼身非身是名大身佛言須菩提如恒河中所有沙數如是沙等恒河於意云何是諸恒河沙

寧為多不須菩提言甚多世尊但諸恒河尚  
多無數何況其沙佛言須菩提我今實言告  
汝若有善男子善女人以七寶滿尔數恒河  
沙數世界以施諸佛如來須菩提於意云何  
彼善男子善女人得福多不須菩提言甚多  
世尊彼善男子善女人得福甚多佛告須菩

釋

今因至

提以七寶滿尔數恒河沙世界持用布施若  
善男子善女人於此法門乃至受持四句偈  
專為他人說而此福德勝前福德無量阿僧  
祇復次須菩提隨所有處說是法門乃至四  
句偈等當知此處一切世間天人阿脩羅皆  
應供養如佛塔廟何況有人盡能受持讀誦

此經須菩提當知是人成就最上第一希有  
之法若是經典所在之處則為有佛若尊重  
似佛尔時須菩提白佛言世尊當何名此法  
門我等云何奉持佛告須菩提是法門名為  
金剛般若波羅蜜以是名字汝當奉持何以  
故須菩提佛說般若波羅蜜則非般若波羅

蜜須菩提於意云何如來有所說法不須菩  
提言世尊如來無所說法須菩提於意云何  
三千大千世界所有微塵是為多不須菩提  
言彼微塵甚多世尊須菩提是諸微塵如來  
說非微塵是名微塵如來說世界非世界是  
名世界佛言須菩提於意云何可以三十二

大人相見如來不須菩提言不也世尊何以  
故如來說三十二大人相即是非相是名三  
十二大人相佛言須菩提若有善男子善女  
人以恒河沙等身命布施若復有人於此法  
門中乃至受持四句偈等為他人說其福甚  
多無量阿僧祇尔時須菩提聞說是經深解  
義趣涕淚悲泣捫淚而白佛言希有婆伽婆  
希有修伽陀佛說如是甚深法門我從昔來  
所得慧眼未曾得聞如是法門何以故須菩  
提佛說般若波羅蜜即非般若波羅蜜世尊  
若復有人得聞是經信心清淨則生實相當  
知是人成就第一希有功德世尊是實相者

則是非相是故如來說名實相實相世尊我  
 今得聞如是法門信解受持不足為難若當  
 來世其有眾生得聞是法門信解受持是人  
 則為第一希有何以故此人無我相人相眾  
 生相壽者相何以故我相即是非相人相眾  
 生相壽者相即是非相何以故離一切諸相

無

今同全

六

早

則名諸佛佛告須菩提如是如是若復有人  
 得聞是經不驚不怖不畏當知是人甚為希  
 有何以故須菩提如來說第一波羅蜜非第  
 一波羅蜜如來說第一波羅蜜者彼無量諸  
 佛亦說波羅蜜是名第一波羅蜜須菩提如  
 來說忍辱波羅蜜即非忍辱波羅蜜何以故  
 須菩提如我昔為歌利王割截身體我於今  
 時無我相無眾生相無人相無壽者相無相  
 亦非無相何以故須菩提我於往昔節節支  
 解時若有我相眾生相人相壽者相應生瞋  
 恨須菩提又念過去於五百世作忍辱仙人  
 於今所世無我相無眾生相無人相無壽者

相是故須菩提菩薩應離一切相發阿耨多  
 羅三藐三菩提心何以故若心有住則為非  
 住不應住色生心不應住聲香味觸法生心  
 應生無所住心是故佛說菩薩心不住色布  
 施須菩提菩薩為利益一切眾生應如是布  
 施須菩提言世尊一切眾生相即是非相何  
 以故如來說一切眾生即非眾生須菩提如  
 來是真語者實語者如語者不異語者須菩  
 提如來所得法所說法無實無妄語

真如分第八

須菩提辭如有人入闇則無所見若菩薩心  
 住於事而行布施亦復如是須菩提辭如人

無

今同全

七

有目夜分已盡日光明照見種種色若菩薩  
 不住於事行於布施亦復如是復次須菩提  
 若有善男子善女人能於此法門受持讀誦  
 修行則為如來以佛智慧悉知是人悉見是  
 人悉覺是人皆得成就無量無邊功德聚須  
 菩提若有善男子善女人初日分以恒河沙

等身布施中日分復以恒河沙等身布施後日分復以恒河沙等身布施如是捨恒河沙等無量身如是百千萬億那由他劫以身布施若復有人聞此法門信心不謗其福勝彼無量阿僧祇何況書寫受持讀誦修行爲人廣說

### 利益分第九

須菩提以要言之是經有不可思議不可稱量無邊功德此法門如來爲發大乘者說爲發取上乘者說若有人能受持讀誦修行此經廣爲人說如來悉知是人悉見是人皆成就不可思議不可稱無有邊無量功德聚如是人等則爲荷擔如來阿耨多羅三藐三菩提何以故須菩提若樂小法者則於此經不能受持讀誦修行爲人解說若有我見衆生見人見壽者見於此法門能受持讀誦修行爲人解說者無有是處須菩提在在處處若有此經一切世間天人阿修羅所應供養當

知此處則爲是塔皆應恭敬作禮圍遶以諸華香而散其處復次須菩提若善男子善女人受持讀誦此經爲人輕賤何以故是人先世罪業應墮惡道以今世人輕賤故先世罪業則爲消滅當得阿耨多羅三藐三菩提須菩提我念過去無量阿僧祇阿僧祇劫於然

燈佛前得值八十四億那由他百千萬諸佛我皆親承供養無空過者須菩提如是無量諸佛我皆親承供養無空過者若復有人於後世末世能受持讀誦修行此經所得功德我所供養諸佛功德於彼百分不及一千萬億分乃至算數譬喻所不能及須菩提若有

期 今月生

八

子

善男子善女人於後世末世有受持讀誦修行此經所得功德若我具說者或有人聞心則狂亂疑惑不信須菩提當知是法門不可思議果報亦不可思議

### 斷疑分第十

爾時須菩提白佛言世尊云何菩薩發阿耨

多羅三藐三菩提心云何住云何修行云何降伏其心佛告須菩提菩薩發阿耨多羅三藐三菩提心者當生如是心我應滅度一切衆生令入無餘涅槃界如是滅度一切衆生已而無一衆生實滅度者何以故須菩提若菩薩有衆生相人相壽者相則非菩薩何以故須菩提實無有法名爲菩薩發阿耨多羅三藐三菩提心者須菩提於意云何如來於然燈佛所有法得阿耨多羅三藐三菩提不須菩提白佛言不也世尊如我解佛所說義佛於然燈佛所無有法得阿耨多羅三藐三菩提佛言如是如是須菩提實無有法如來於然燈佛所得阿耨多羅三藐三菩提須菩提若有法如來得阿耨多羅三藐三菩提者然燈佛則不與我受記汝於來世當得作佛號釋迦牟尼以實無有法得阿耨多羅三藐三菩提是故然燈佛與我受記作如是言摩那婆汝於來世當得作佛號釋迦牟尼何以

故須菩提言如來者即實真如須菩提若有人言如來得阿耨多羅三藐三菩提者是人實語須菩提實無有法佛得阿耨多羅三藐三菩提須菩提如來所得阿耨多羅三藐三菩提於是中不實不妄語是故如來說一切法皆是佛法須菩提所言一切法一切法者即非一切法是故名一切法須菩提譬如有人其身妙大須菩提言世尊如來說人身妙大即非大身是故如來說名大身佛言須菩提菩薩亦如是若作是言我當滅度無量衆生則非菩薩佛言須菩提於意云何頗有實法名爲菩薩不須菩提言不也世尊實無有法名爲菩薩是故佛說一切法無衆生無人無壽者須菩提若菩薩作是言我莊嚴佛國土是不名菩薩何以故如來說莊嚴佛土莊嚴佛土者即非莊嚴是名莊嚴佛國土須菩提若菩薩通達無我無法者如來說名真實菩薩菩薩須菩提於意云何如來有肉

解

今解至

九

子

眼不須菩提言如是世尊如來有肉眼佛言  
須菩提於意云何如來有天眼不須菩提言  
如是世尊如來有天眼佛言須菩提於意云  
何如來有慧眼不須菩提言如是世尊如來  
有慧眼佛言須菩提於意云何如來有法眼  
不須菩提言如是世尊如來有法眼佛言須

菩提於意云何如來有佛眼不須菩提言如  
是世尊如來有佛眼佛言須菩提於意云何  
如恒河中所有沙佛說是沙不須菩提言如  
是世尊如來說是沙佛言須菩提於意云何  
如一恒河中所有沙有如是等恒河是諸恒  
河所有沙數佛世界如是世界寧為多不須  
菩提言彼世界甚多世尊佛言須菩提余所  
世界中所有衆生若干種心住如來悉知何  
以故如來說諸心住皆為非心住是名為心  
住何以故須菩提過去心不可得現在心不  
可得未來心不可得須菩提於意云何若有  
人以滿三千大千世界七寶持用布施是善

須

今明生

十

子

男子善女人以是因緣得福多不須菩提言  
如是世尊此人以是因緣得福甚多佛言如  
是如是須菩提彼善男子善女人以是因緣  
得福德聚多須菩提若福德聚有實如來則  
不說福德聚福德聚須菩提於意云何佛可  
以具足色身見不須菩提言不也世尊如來  
不應以色身見何以故如來說具足色身即  
非具足色身是故如來說名具足色身佛言  
須菩提於意云何如來可以具足諸相見不  
須菩提言不也世尊如來不應以具足諸相  
見何以故如來說諸相具足即非具足是故  
如來說名諸相具足佛言須菩提於意云何  
汝謂如來作是念我當有所說法耶須菩提  
莫作是念何以故若人言如來有所說法即  
為謗佛不能解我所說故何以故須菩提如  
來說法說法者無法可說是名說法余時慧  
命須菩提白佛言世尊頗有衆生於未來世  
聞說是法生信心不佛言須菩提彼非衆生

非不衆生何以故須菩提衆生衆生者如來說非衆生是名衆生佛言須菩提於意云何如來得阿耨多羅三藐三菩提耶須菩提言不也世尊世尊無有少法如來得阿耨多羅三藐三菩提佛言如是如是須菩提我於阿耨多羅三藐三菩提乃至無有少法可得是

期

今因至

十一

名阿耨多羅三藐三菩提復次須菩提是法平等無有高下是名阿耨多羅三藐三菩提以無衆生無人無壽者得平等阿耨多羅三藐三菩提一切善法得阿耨多羅三藐三菩提須菩提所言善法善法者如來說非善法是名善法須菩提三千大千世界中所有諸

須彌山王如是等七寶聚有人持用布施若人以此般若波羅蜜經乃至四句偈等受持讀誦爲他人說於前福德百分不及一千分不及一百千萬分不及一歌羅分不及一數分不及一優波尼沙陀分不及一乃至算數譬喻所不能及須菩提於意云何汝謂如來

作是念我度衆生耶須菩提莫作是念何以故實無有衆生如來度者佛言須菩提若有實衆生如來度者如來則有我人衆生壽者相須菩提如有說有我者則非有我而毛道凡夫生者以爲有我須菩提毛道凡夫生者如來說名非生是故言毛道凡夫生須菩提於意云何可以相成就得見如來不須菩提言如我解如來所說義不以相成就得見如來佛言如是如是須菩提不以相成就得見如來佛言須菩提若以相成就觀如來者轉輪聖王應是如來是故非以相成就得見如來亦時世尊而說偈言

若以色見我 以音聲求我 是人行邪道 不能見如來 彼如來妙體 即法身諸佛 法體不可見 彼識不能知 須菩提於意云何如來可以相成就得阿耨多羅三藐三菩提耶須菩提莫作是念如來以相成就得阿耨多羅三藐三菩提須菩提

汝若作是念菩薩發阿耨多羅三藐三菩提心者說諸法斷滅相須菩提莫作是念菩薩發阿耨多羅三藐三菩提心說諸法斷滅相何以故菩薩摩訶薩發阿耨多羅三藐三菩提心者於法不說斷滅相故須菩提若善男子善女人以滿恒河沙等世界七寶持用布施

今四至

十二

字

施若有菩薩知一切法無我得無生法忍此功德勝前所得福德須菩提以諸菩薩不取福德故須菩提白佛言世尊菩薩不取福德佛言須菩提菩薩受福德不取福德是故菩薩取福德須菩提若有人言如來若去若來若住若坐若卧是人不解我所說義何以故如來者無所至去無所從來故名如來須菩提若善男子善女人以三千大千世界微塵復以今許微塵世界碎為微塵阿僧祇須菩提於意云何是微塵衆寧為多不須菩提言彼微塵衆甚多世尊何以故若是微塵衆實有者佛則不說是微塵衆何以故佛說微塵

衆則非微塵衆是故佛說微塵衆世尊如來所說三千大千世界則非世界是故佛說三千大千世界何以故若世界實有者則是一合相如來說一合相則非一合相是故佛說一合相佛言須菩提一合相者則是不可說但凡夫之人貪著其事何以故須菩提若人

如是言佛說我見人見衆生見壽者見須菩提於意云何是人所說為正語不須菩提言不也世尊何以故世尊如來說我見人見衆生見壽者見即非我見人見衆生見壽者見是名我見人見衆生見壽者見須菩提菩薩發阿耨多羅三藐三菩提心者於一切法應

十三

如是知如是見如是信如是不住法相何以故須菩提所言法相法相者如來說即非法相是名法相須菩提若有菩薩摩訶薩以滿無量阿僧祇世界七寶持用布施若有善男子善女人發菩薩心者於此般若波羅蜜經乃至四句偈等受持讀誦為他人說其福勝

彼無量阿僧祇云何為人演說而不名說是  
名為說余時世尊而說偈言

不住道分第十一

一切有為法

如星翳燈幻

露泡夢電雲

應作如是觀

流通分第十二

翔四

佛說是經已長老須菩提及諸比丘比丘尼  
優婆塞優婆夷菩薩摩訶薩一切世間天人  
阿修羅乾闥婆等聞佛所說皆大歡喜信受  
奉行

金剛般若波羅蜜經

幹綠道者王可通

大宋國嘉興府華亭縣附郭修竹鄉四十三保平步橋西街北面南居住奉

三寶弟子徐子通 謹發心施財官會陸拾伍貫文奉入

平江府城東磧砂延聖院大藏經坊刊造 金剛般若波羅蜜經一卷所集

功德單仰追悼 先考徐承事 先妣丁氏十三娘子 先妻沈氏十二娘子

東夷侯氏 良因緣常根塵同生 蓮界不仍之陰力保祐平善吉祥如意著

嘉慶三年五月 日暮綠僧 葉志書 題

金剛般若波羅蜜經

元魏留支三藏奉 詔譯

翔

如是我聞一時佛婆伽婆住舍衛國祇陀樹  
林給孤獨園與大比丘眾千二百五十人俱  
尔時世尊於日前分著衣持鉢入舍衛大國  
而行乞食於其國中次第行已還至本處飯  
食事訖於中後時收衣鉢洗足已如常敷座  
跏趺安坐端身而住正念現前時諸比丘俱  
往佛所至佛所已頂禮佛足右遶三匝却坐  
一面尔時淨命須菩提於大眾中共坐聚集  
時淨命須菩提即從座起偏袒右肩頂禮佛  
足右膝著地向佛合掌而白佛言希有世尊  
如來應供正遍覺知善護念諸菩薩摩訶薩  
由無上利益故善付囑諸菩薩摩訶薩由無  
上教故世尊若善男子善女人發阿耨多羅  
三藐三菩提心行菩薩乘云何應住云何修  
行云何發起菩薩心淨命須菩提作是問已  
尔時世尊告須菩提須菩提善哉善哉如是